

სიღნაღის მუნიციპალიტეტის საკრებულოს მაჟორიტარი წევრის, საკრებულოს თავმჯდომარის მოადგილე ილია ბაიდოშვილის ანგარიში 2022 წლის 1 ნოემბრიდან 2023 წ 1 ოქტომბრამდე გაწეული მუშაობის შესახებ .

2021 წლის 3 დეკემბრიდან არჩეული ვარ საკრებულოს მაჟორიტარ წევრად მადარო , ილია წმინდას ამომრჩევლების მიერ , ხოლო საკრებულოს წევრების მიერ საკრებულოს თავმჯდომარის მოადგილედ. ჩემი საქმიანობა გამომდინარეა თვითმმართველობის წარმომადგენლობითი ორგანოს- საკრებულოს უფლებამოსილებიდან , რაც რეგულირდება საქართველოს კონსტიტუციით, საქართველოს ორგანული კანონით „ადგილობრივი თვითმმართველობის კოდექსი“, საკრებულოს რეგლამენტით და სხვა ნორმატიული აქტებით,

ეს ყოველი განაპირობებს ჩემს მუშაობას, რომლის მთავარი მიმართულებაა ადგილობრივ დონეზე მოსახლეობის ინტერესების დაცვა , მათი ინტერესების გათვალისწინება და ჩემდამი გამოხატული ნდობის შენარჩუნება.

ვარ საკრებულოს ბიუროს წევრი და საკრებულოს იურიდიული კომისიის წევრი, ვმონაწილეობ როგორც ბიუროს ასევე საკომისიო და სასესიო მუშაობაში . საანგარიშო პერიოდში ჩატარდა საკრებულოს 14 სხდომა, ვესწრებოდი 13-ს, საკრებულოს ბიუროს 21 სხდომა, ვესწრებოდი 20-ს, ჩატარდა ფრაქციის „ქართული ოცნება“ - 11 სხდომა, ვესწრებოდი -11-ს, სულ ჩატარდა იურიდიული კომისიის -9 სხდომა,ვესწრებოდი -9-ს.

.საკრებულოს სხდომებზე ჩემ მიერ მხარდაჭერილ იქნა როგორც საკრებულოს სამუშაო გეგმით განსაზღვრული, ასევე მუნიციპალიტეტის წინაშე დღის წესრიგში დასმული მიმდინარე საკითხები.

საანგარიშო პერიოდში მქონდა ინდივიდუალური შეხვედრები მოსახლეობასთან . ჩემთვის მნიშვნელოვანია ვიცოდე, რას ფიქრობს ამომრჩეველი, რა შეხვედულებები აქვთ ამა თუ იმ საკითხზე. მოვისმინე მათი პრობლემური და პრიორიტეტული საკითხები, რაც ძირითადად შეეხება: სოციალურად დაუცველთა ერთიან ბაზაში დარეგისტრირებას, ჯანდაცვის საკითხებს, საუბნო და სასოფლო-სამეურნეო სავარგულამდე მისასვლელი გზების სარეაბილიტაციო სამუშაოებს, სასმელი წყლის სისტემის მოწყობას, სავარგულებში სადრენაჟე სარწყავი არხების დამონტაჟებას, შიდა საუბნო გზების მოასფალტებას და გარეგანათების მოწყობას.

საანგარიშო პერიოდში სოციალური დახმარების გაცემის პროგრამით სოფ. მადაროში ისარგებლა 107 მოქალაქემ და მასზე დაიხარჯა 27049 ლარი.

კერძოდ:

სამედიცინო დახმარების მუხლი (33 ბენეფიციარი) -14839ლარი;

შშმ პირთა სოციალური დაცვა (შემოვიდა 28 განცხადება) -4450 ლარი;

განსაკუთრებული საჭიროების მქონე პირთა ერთჯერადი სოც. დახმარება (36 განცხადება)- 5950ლარი;

ომისა და სამხედრო ძალების ვეტერანთა სოციალური დაცვის მუხლიდან-(9 ბენეფიციარი) -1400 ლარი;

სოციალური დახმარების გაცემის პროგრამით სოფ. ილიაწმინდაში ისარგებლა 76 მოქალაქემ და მასზე დაიხარჯა 18175 ლარი

.კერძოდ:

სამედიცინო დახმარების მუხლი (4 ბენეფიციარი) -1550ლარი;

შშმ პირთა სოციალური დაცვა (7 ბენეფიციარი) -950 ლარი;

სოციალურად დაუცველი სტუდენტები -3 განცხადება- 2375 ლარი;

განსაკუთრებული საჭიროების მქონე პირთა ერთჯერადი სოც. დახმარება (57ბენეფიციარი)-7700 ლარი;

ომისა და სამხედრო ძალების ვეტერანთა სოციალური დაცვის მუხლიდან-(1 ბენეფიციარი) -150ლარი;

მარტოხელა და მარჩენალდაკარგული მშობლის სოციალური დაცვა (1ბენეფიციარი) - 100 ლარი;

2023 წელს სოფლის მხარდაჭერის პროგრამით სოფ. ზემო მაღაროში დარბაზი აღიჭურვა სპორტული ინვენტარით დაიხარჯა (9,570)ლარი , ასევე ქვ. მაღაროში რეგიონალური განვითარების ფონდის დაფინანსებით განხორციელდა შრომის წყლის უბნის რეაბილიტაცია ,დაიხარჯა (656 884 ) ლარი .483 გრ. ძვ მეტრი .

ლერი მირაშვილის ქუჩის რეაბილიტაცია,დაიხარჯა (551 200) ლარი .625 გრ.ძვ მეტრი. ამჯამად მიმდინარეობს ,, ჟანგირაანთ"ქუჩის რეაბილიტაცია

სოფ. ილიაწმინდაში რეგიონალური განვითარების ფონდის დაფინანსებით დასრულდა სასაფლაოსთან მისასვლელი გზის რეაბილიტაცია დასრულდა .მისი ღირებულებაა 595 997 ლარი. სამუშაოები დაიწყო 2022 წლის 29 სექტემბერს დაიწყო და 2023 წელს დასრულდა .

სოფელ მადაროს და ილიაწმინდაში წყალმომარაგების გაუმჯობესების მიზნით, მასშტაბური ინფრასტრუქტურული პროექტი დასასრულს უახლოვდება. პროექტის ფარგლებში წყალმომარაგების უზრუნველსაყოფად ახალი სისტემები, ქსელები, ჭაბურღილები, საქლორატორო და რეზერვუარები მოეწყო. მისი დასრულების შემდეგ, მოსახლეობა, ახალი სისტემით, მაღალი ხარისხის წყალს 24 საათის განმავლობაში მიიღებს. პროექტს საქართველოს რეგიონული განვითარებისა და ინფრასტრუქტურის სამინისტროს გაერთიანებული წყალმომარაგების კომპანია ახორციელებს.

„სოფლის მხარდაჭერის პროგრამის“ ფარგლებში ჩემს სამაჟორიტარო ოლქში 2023 წ დაგეგმილია: სოფ. ქვემო მადაროში გარე განათების მოწყობა, სოფ. ილიაწმინდაში გარე განათების მოწყობა.

მართალია ჩემს საანგარიშო პერიოდთან და უაშუალო ჩემს დეპუტატობასთან არაა პირდაპირ კავშირში , მაგრამ აღსანიშნავია ის შეღავთებებიც , რითაც ზემო მადაროს მოსახლეობა სარგებლობს , როგორც მაღალმთიანი სოფლის მაცხოვრებლები.

როგორც სოფლის მაჟორიტარი დეპუტატი აქტიურად ვაგრძელებ მოსახლეობასთან კომუნიკაციას. რომელთაც ნებისმიერ დროს შეუძლიათ ჩემთან შეხვედრა. მზად ვარ შრომისათვის, რათა თითოეულ ოჯახზე აისახოს ჩემი ძალისხმევითა და უკეთეს მომავალზე ზრუნვის შედეგი.

მოსახლეობის უშუალო ჩართულობით და მათი აზრის გათვალისწინებით მოხდა მადაროს და ქვემო მადაროს სოფლების ქუჩების სახელდება,საკრებულოს საბოლოო გადაწყვეტილება მიღებულია და გადაგზავნილია საჯარო რეესტრის ეროვნულ სააგენტოში.

ვმუშაობთ , რათა დაჩქარდეს სოფელ ილიაწმინდას დამისამართების საკითხი.

აქტიურად ვთანამშრომლობ მერიის სამსახურებთან და ყველა შესაბამის სტრუქტურასთან, რასაც დადებითი შედეგი მოაქვს მოსახლეობის პრობლემების მოგვარების საკითხებში.

მიმაჩნია, რომ გასაკეთებელი ჯერ კიდევ ბევრია , რასაც დარჩენილ საარჩევნო ვადაში , განვლილ საანგარიშო პერიოდში დაგროვილი გამოცდილების გათვალისწინებით , თქვენი უშუალო ჩართულობითა და მხარდაჭერით დავძლევთ და მეც პირნათელად მოვიხდი თქვენს წინაშე აღებული ვალდებულებას.

ილია ბაიდომვილი

10/10/ 2023 წ

